



DE KONING
ONDER DE RUMS

GEbruik

dagelijks
DOMO POWDER MILK
agents
VELD STORES

Dagblad



voor Aruba

FRESH UP

WITH

7 - UP

agents

VELD STORES



The Beer That
Made Milwaukee Famous

ZATERDAG 16 FEBRUARI 1957

No. 2757

10DE JAARGANG

600 Hende a asisti apertura en forma di Basi Ruti Resort ayera nochi

Neme: Basi Ruti ta un principio di desarollo di turismo na Aruba

ORANJESTAD.— Ayera nochi antonan netchi y na cantidad tabata corre un tras di otro riba e boulevard nobo y bunita na kantu di e laman ilumina cla door di luna cu direccion pa e club y facilidad nobo pa turista Basi Ruti. No menos cu un numero di seis shen persona nos a conta banda di 9' or ora tur e hendenan tabata presente y e apertura oficial a principia.



ESPLENDIDO APERTURA DEN ESPLENDIDO AMBIENTE

Despues di un actividad di fabricacion durante casi tres aña, despues di a vence multiples dificultadnan, despues di a traha y des-carta un sinnúmero di planann y ideann, por fin ayera nochi a yega e momento cu Basi Ruti por a habri su portanan y a laga a cantidad di bishitannan keda e anochi aki babuca di e maravilla cu e tuma luger aya na strand. Un establecimiento di facilidatnan ultra moderno, bon cuida arquitectonicamente, a aparece ei riba e suela di santu, como un principio di un porvenir turistico, cual — manera nos tur sin duda ta desea — lo pone Aruba entre nombrenan ma- nera Bermuda, Cuba, Jamaica, Trinidad, etc.

E Directiva di Aruba Resort Corporation, donjonan di e proyecto, y e directiva di Basi Ruti Club, durante e ultimo simannan a traha di dia y anochi pa por bini cla cu tur cos na tempo pa e apertura, y pa haci e esplendido anochi di apertura aki bira uno cual esnan cu tabata presente lo no lubida facilmente. Nos ta kere cu nan a logra den tur sentido den nan proposito, elomenos mirando e armonia y atmosfera cu tabata existi te laat den anochi (of mihor

bisa te den ora tempran di mainta) bao di e cientos di bishitannan. Di tur banda nan a bini. Lo hiba nos masha leuw pa menciona tur. Nos kier sinembargo bisa di a mira ei tambe ministran. Gezagh- heber, deputadonan, miembronan di Cuerpo Consular, miembronan di Cuerpo Juridico, marinier real, policia, religio- sanan, representantenan di Lago y otro empresnan grandi, representa- nan di comercio, industria, trafico y di banco. Ademas di mes e numeroso ac-

cionistan y miembronan di e club, y tambe deputadonan di otro clubnan di nos isla y hasta di Corsow. Tur e pers- onanan aki bini na pretu cu blancu di smoking y e bishitannan di hopi diferente color di e damannan, tur despues di cu e guianan a conduci nan door di e edi- ficacion, a bai den e sala grandi di e club cu tabata gorda y blanda di fies- ta pa e oonidat aki.

Ch. J. Neme: na number di directiva

Pa banda di 9' or e director di Aruba Resort Corporation y e gran promotor di e proyecto, senor Ch. J. Neme, a tu- ma palabra.

Tabata senor Neme kende a duna tur e presentenan un bon bini y kende a gradici tur e hendenan cu di un o- tro manera a contribui na realizacion di Basi Ruti. En especial el a menciona e firma Petrona & Croes, cual a haci e trabao di edificacion y senor George Scott kende tabatin direccion como ar- quitecto. D.O.W. a banja un homenaje pa su cooperacion, mesos cu senor H. A. Kemmink y last but not least su co- leganan di e negoshi kende a traha tan- to duro durante e ultimo simannan pa tur cos por a bini cla.

Senor Neme por cierto ta considera e apertura aki apenas como un principio. Ela bisa cu ya tin funde- shinan basha pa tres bungalow cual e ta spera cu nan lo bini cla na Mei di e onje aki. E ora ei 42 huesped por worde ricibi na Basi Ruti. Otro facilidatnan manera un piscina, un steiger, etc. tambe lo bini pronto. Ademas cu Basi Ruti ta na su prin- cipio, senor Neme ta spera cu e desarollo di turismo na Aruba tambe ta apenad na su principio, y e ta spe- ra cu e trabao cu ela principia des- pues ora yega su tempu di retira, lo por worde continua door di su cole- ganan di negoshi.

Un caluroso aplauso tabata e danki di e publico pa e palabranan y pa e trabao cumpli door di e homber aki pa por a gana Basi Ruti asina leuw.

J. A. van der Schoot, na number di e club.

E secretario di Basi Ruti Club, senor J. A. van der Schoot, tabata e siguiente orador. Na number di e club Sr. van der Schoot a trece dilanti con dia 8 di Sept. 1955 den Capri Night Club 24 persona a reuni pa lamenta Basi Ruti Club. Ela expresa su alegria cu ya caba e club por dispone di un lugar tan bu- nita maina y e ta conta cu e miembro- ban, — y principalmente e turistanan cu e ta spera lo bini na cantidadnan gran- di — lo haci hopi uso di e facilidat- nan.

E orador a dhigi palabranan di elo- gio na senor Neme, kende ela yama e motor, e fuerza propulsora y esun cu a tuma e iniciativa pa e proyecto.

ha di baile Spanjo Victoria y Fernando Lucena, y otro mas.

Nan actuacion a cosecha ma- tha aplauso, mesos cu e magico y e otro artistanan, kende a tene e bishi- tanah largo rato ocupa di un manera a- gradabel.

Despues tabata Lubin Barahona y su banda Costaricense cu a pone esnan cu tabata desea ocupa liher e sala di baile.

Tabata despues di un or, basta rato despues di e ora oficial pa termina, cu e ultimo bishitannan a bolbe bai nan cas pa nan bai prepara nan pa e otro dos dianan mas di fiesta, cu decir awe no- chi pa un gran baile, y majan henter dia pa un picnic-dansant.

Awor Basi Ruti ta un realidad. Iga- nos spera cu e lo ta esun prome di un cantidad mas di hotelnan pa turista na Palm Beach.

Koud buffet.

Cu esaki e speechnan a yega na nan fin y e keleranan a banja oportunidad di yena e glasnan cu champagne. Senor Neme a ofrece un toast riba Basi Ruti, un toast cu a worde comparti door di tur e presentenan. Mientras tanto tambe entrada na e koud buffet a bini liher y e bishitannan por a goza di e bocadanan dushi prepara bao di direccion di e chef-kok di Esso Dining Hall. Ta di mas bisa cu un bon uso a worde haci di e oportunidad aki.

Exhibicion atractivo.

Despues di a fortifica nan interior e bishitannan tabata cla pa e siguiente nu- mero di e programa cu tabata e floor- show. A bini for di Caracas especial- mente algun artista, entre cual e pare-